

آبونه شرايطي

ممالك عثمانیه ده سنه لکي (۶۵)، آلتی  
آیلغی (۳۵) غروشدرد .  
ممالك اجنبيه ده سنه لکي (۱۷)، آلتی  
آیلغی (۹) فراتقدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول  
اولنور . درج ایدله یں یازیلر اعاده  
اولونماز .

# سیرتنامه

۱۳۳۰

دینی، فلسفی، علمی، ادبی هفته انجمنه اسلامیه در .

والله يهدي من يشاء الى صراط مستقيم

سر محرر

محمد عاكف

صاحب و مدير

ع. اشرف اديب

اضطارات

رساله مزدن آلتدینی کوسترک  
شرطیله بتون یازیلر هر هانگی  
بر غزته طرفندن اقتباس اولونه بیلیر .

مکتوبلرک امضالری واضح  
و او قورناقلی اولسی و آبونه صره  
نوسروسی محتوی بولونسی لازمدرد .

ممالك اجنبيه ایچون آبونه اولانلرک  
آدرس لرینک فرانسزجه ده یازلسی  
رجا اولنور .

پاره کوندرلدیکی زمان نه به دائره اولد  
یغناک و اضحا بیلدیرلسی رجا اولنور .

اتبعون اهدکم سبیل الرشاد

«تل الکبیر» ده عربینک عسکرلرینه ملاقی اولدیلر ایسه ده ، هر درلو اسباب مدافعه دن محروم اولان بوزوالیلر همان فراده قویولدی و اکثریمی انکلیزلرک قورشونیه شهید اولدیلر . بونک اوزرینه انکلیزلر قاهره یه داخل اولدیلر . آرتق مصرک استقلالی باعمال ایدلمشدی . امالدنیانک حقوق وحیثیتی چیکتمشدی ، فلاحک راحتی منسلب ، مصرک محرق کونشی آلتنده ترلیه ک ، یانهرق قازاندینی آلتونلر انکلتزه نك رفاه و سعادت ایچون کیتمهک محکوم اولمشدی . الحاصل براسلام ماکتتک شانلی صحائف مشعشه تاریخیه سنه سیاه و قائلی صحیفه لر علاوه ایدلمش ، مصرک موجودیت حیاتیه سی تکفین اولنمشدی .

بوتاریخ مشومک باشلادینی کوندنبریدرکه انکلیزلر او زواللی فلاحی سیاست فتوحاتکارانه لرینه برآلت آنخا ایتمهک باشلادیلر ، سودانی انکلیزلره هدیه ایتک ایچون یوز بیکلرجه مصرلی او جهنمی بتمه لرده هدر اولدی . محمد احمدالمهدینک لوای استقلالی آلتنده طوبلانان اوزواللی سودانلیلر مملکتلرندن محترص اجنیلری طرد ایتک اوغرنده محو و نابود اولدیلر ، همده دینداشرلی مصرلیلرک الیه ....

مصرک فیاض خزائن ثروتی انکلیزلرک دست تعدی و تجاوزینه کچدی ، بیجا ، فلاحلر آج و بیعلاج قالدیلر . بوندن ماعدا ، صانکه مصری تدهیش ایدن «عربی» حادثه سی کافی ده ککش کبی برده دنشوای حادثه سنی ایجاد ایتدیلر . بوسفر مؤمنلرک سجده کاهی انکلیزلرک چامورلی قوندره لرلیه چیکتمدی . حریم بیت الله مؤمنلر ایچون برزندان پاییلدی . اون اون بش معصوم ، اولادلرینک ، زوجه لرینک اوکنده صلبا اعدام ایدلدیلر . الی التمش مسلمانک بعضیسی قیرباجلرک آلتنده وجودلرندن قائلر فیشقیراره ق تسام روح ایتدیلر . بونلرک هپسی برانکلیزک خاطرلی ایچوندی . اومت کوکرچین صیدینه چیقان سرخوش برانکلیز «دنشوای» اطرافنده کوکرچین صید ایدمکجه برمسلمان قادینی هدف دانه تعرض ایدرک ، دنشوایک خرمانلرینی یاقه رق اجرای کیف ایتسنه ، دها طوغروسی وحشی استبدادینه طایانامیوب انی منع ایتمهک قالقان اهالینک قارشوسنده فرار ایدرکن مدهش برضربه شمسه معروض قاله رق هلاک ائلمسندن ایلو و کلیوردی که ... بوظاعت ، بووحشت مصرده دهشت وقورقوایله قارشولانه جغه بانعکس درین برأثر انتباه اویندیردی . قهرمان وطنرورمصطفی کامل پاشا ایله اطرافنده طوبلانان کتیبه وطنیه آرتق وار قوتیه چالشمغه باشلادی . بو حیتلی کتلانک مساعیسی بک آز بر زمان طرفنده مصرده عمومی برانتباه جریانی تولید ایتش ایدی . بونک اوزرینه انکلیزلر او مؤبدأ محبوسیتیه محکوم اولانلری تخلیه یه مجبور اولدیلر و بک بیوک برتلاشه دوشدیلر . چونکه بو عمومی انتباه اونلرک موجودیتلری ایچون بک تهلکه لی ایدی . بو سببدنطولای انکلیزلرک یکانه غایه سی بوتباهی بوغرق و ممکن اولدینی درجه مصرلیلری کورلتمک ایدی . همان فرقه احرازی آزدیلر ، و معارفی اولدوردیلر . تجارت و صنایع ملیه یی کوکندن سوپوردیلر . مسلمانلرده کی فضائل

مسلمانلری عقلسزلقله ، قابلیتسزلکه اتهام ایدیورلر ، ام سائره صنفه کیره بیلملری محالاندن اولدیغنه حکم ایلورلر .

انسان بوتون خصائص انسانیه دن تجرد ایتدیکه بو قدر ذلته ، بو قدر حقارته ناصیل قاتلانه بیلیر ؟ اونوتیورلر می که : بر زمانلر اقوامک قره المیونی ایدیلر . خصوصیه آره دن او قدر اوزون مدت کچمدی ، تاریخلر اورتادن قالمادی ، آثار بوسبوتون مندرس اولمادی ، شوکت مسلمین ایسه تمامیه روی زمیندن سیلنمدی . او حلاله حالا بو ذلت و مسکته قاتلانوب طورمن نهدن ایلری کلیور ؟

آقسه کبلی احمد صمدی

### انکلتزه و مصر

اوتوز اوچ سنه دتیری انکلیزک نیجه استبدادنده ، قبیله تسخیرنده ایکلین بز مصرلیلر نهایت انکلتزه نك - بر غفلت سیاسی نتیجه سی اوله رق - کندیسی هاویه اضمحلاله طوغرو سو وکلدیکنی کورمه یه موفق اولدق که .... بو ، بزم علونسان قبلرمن اوزرینه سریلان بر زلال رحمت در . چونکه بز بو اوتوز اوچ سنه طرفنده انکلتزه نك تحمافر سامظالمی چکدک ، انصافسزجه سنه بی نهایت وحشتلرینه اوغرادق . آنلرک تأثیر جانحراشیه بوتون عمرمن ماملر ایچنده کچدی . شممدی بونلری سردایتدیکمز آنده اوروانک او کوزلری قاشدیران مدیتتک حقیقتی و ایچ یوزنی کوریور : آنک تقدیر سزاوار تابعین و نفرین اولدینی آ کلامش اولیورز .

معلوم درکه ابنای نیل اراضی مصریه نك او فیاض ولایتاهی خزائن ثروتیه یاشایان بر ملتدر . بوملنک اکثریت مطلقه سی اسلامدر . و دینه بک صیقی بر صورتده مرتبط ، عنعنات و عادات ملیه سنه بک صادق در .

ایشته بوملت ۱۸۸۲ سنه میلادیه سنده عربی دنیلان برتوره دینک حماقت و ملعنته دوچار اولارق او خائن وطنک قازدینی حف و سفالت و اسارته دوشدی . عربی ، مصرلیلرک صفوت و صمیمیتلرندن استفاده ایدرک کندیسی بر خلاصکار اوله رق طانتدیرمنه موفق اولمش بر آلچقدرکه اونی مصر و اسلام تاریخی الی الابد لغت ایله یاد ایدمکدر . چونکه بو آدم مملکتک داخلنده بر قارغشه لق ایجاد ایدرک وانکلیزلرک مصری اشغال عسکرلرینه آلمق ایچون هر درلو اسباب و وسائلی حاضر لامش ایدی .

ذاتاً انکلیز ایمپریالیزم سیاستک اساسی : اولاً تفرقه ، فتنه ، و فساد حاضر لامق ، بعده بیدری اورایه وضع ید ایتمکدر . ایشته انکلیزلر بوفرصتی ضایع ایتدیلر ، عربینک قیامتی متناقب اسکندریه یی بومباردمان و عسکرلرینی قره یه چیقاره رق قاهره یه طوغرو ایلرله دیلر .

اخلاقیهی محو ایتک ایچون نه لازمسه یابدیلر .

ظن ایدر مکه مصر لیلرک انکلتزه قارشو نه شکله متحسس اولدقلری ایضاحات سابقه مدن مستباندر . بوسیدن طولای اعلان حرب ایتلری متعاقب بیوک بر تلاشه دوشدیلر .

مقدما مصرک بیطرفانی اعلان ایدلشدرکه اووقته ده کین انکلیزر حرب عمومی به اشتراک ایتهمشردی . فقط انکلتزه حرب به اشتراک ایدر ایتز حکومت مصریه « مصره وقوع بولاجق هر تجاوزی دفع ایتک ایچون انکلتزه به معاونت یعنی اردوسنک مرورینه مساعده ایله دونماسدن استفاده ایتک ایچون هر درلو تسهیلاتی ابراز ایتکی » تحت قراره آلدی .

بونک اوزرینه خطه مصریه ده بولنان آلمان و اوستریا سفان تجاریه سنک ۱۲ ساعت ظرفنده انکلیز قوای بحریه سی قوماندانلرینه تعهدات لازمی ویردکن صکره در حال مصر لیمانلری ترک ایتلری اشعار ایتدی . حکومت مصریه « انکلتزه ، اوستریا و آلمانیا به اعلان حرب ایتدیکندن طولای بو قراری اتخاذ ایتدیکنی » بیان ایتکدن هیچ چکینه مشدر . یعنی مصر حکومتی اوستریا مجارستان و آلمانیا حکومتلری ایله حال حربده در .

بو ایسه مصرک وضعیتنه کلیاً مخالفدر . مصر استقلال داخلینه مالک بر ولایت عثمانیه در . انکلیزلرک ایسه مصرده هیچ بر حق مشروعلری یوقدر . فقط انکلتزه نك دستور سیاسی

« ضعیفی بوغنی و قویدن قاچقدر »

باخصوصکه قارشینه هیچ قوتلی بر معارض چیتما دیغندن او مصرده فوق القانون فاعل مایشاء اولدی . بدیهیدرکه حقوق دوله بر ار جوفه ، مقاولات سیاستک بر العوبه اولدینی بو زمانده انکلتزه دن مشروع بر دائره ده حرکت ایتکی بکاهمک عیشدر . ذاتاً انکلیزر اسکندریه ده و مواقع ساژده استحکام انشاسنه ، خندقلر حفرینه ، طویلر یرلشدیرمکه ، اسکندریه یی چولوق چوجقدن وقادینلردن تخلیه ایتکه باشلامشدر . هندستاندن قرق بیک عسکر کتیریله چکی تحقق ایتشدر و بر طاقم در بدر یونانلیر ، عاقل ایتالیانلر محافظه آسایش ایچون پولیس تعیین ایدیلورلر . بونلرک مصر لیلردن اولدینی جای دقتدر . فقط معلومیا انکلیزر مصر لیلردن امین ده کلدر . واوله مازلر . بوده یک طبیعی برمساله در .

فقط بتون بوتدایر هانکی دشمن ایله نجه لشمک ایچون اتخاذ اولنیور . بودقیق بر نقضدر . عادتاً ناقابل حل بر معمار . چونکه مصر لیلره قارشو اولان امنیتزلک و قورقو بو قدر استحضاراته باعث

اوله ماز . اوهت ملت مصریه نقدر متهیج ، نقدر انکلیز علمداری اولورسه اولسون اوزواللی نك قنادلری قیرلمش و کندی کندینه برایش کوره میه جک بر حاله کیشدر . آنک ثروتی و قوتی او محترص مستبدلرک ید تعدیسنده در . واقعا بوکی احوالده « معجزه لر » ک وقوعه کلسی محتملدر . فقط بو اولدقجه مستبعددر .

اگر بواسطه حضرات آلمانیا و اوستریا ایله محاربه ایتک ایچون یابیلیورسه بوده غیر وارددر . چونکه کرک مصر عسکری ، کرک هندستان عسکرلری هر درلو قیمت حربیه دن محرومدر .

عجبا . . . . . کلهلم احوال حاضره داخلیه به :

اعلان حربک برنجی کونلرنده هر شی بهالیاشدی . بانقه لراحتجاب مراجعاته قارشو قابولری قیادی .

بونک اوزرینه موادغذاییه نك خارجه ارسال منع اولندی . حاجات ضروریه به بر فیئات قانونیه وضع ایتک ایچون قومیسینولر تشکیل اولندی . فقط هر درلو تدبیره رغما فیئاتلرک ارتفاعدن هر کس مشتکیدر . فقرا و متوسط طبقه یک مدهش مضایقه چکمه کده در .

تره نلرک اکثری طور دیرلمش و بعض مواقعهه تقلیل اولمشدر . پوسته ، تلغراف و تلفون مدهش بر سانسورک تحت مراقبه سنده در .

حکومت مصریه نك قراری موجبجه اداره عرفیه نك اعلانی انکلتزه قوای عسکریه سنک قوماندانی جنرال جولیانک یدنده اولدی .

خلاصه : بتون مصر لیلر انکلتزه علیه سنده درلر . بو حسی صوک حادثه اغتصاب ، دهاطوغروسی انکلتزه نك صوک قورصانلی تقویه و تشدید ایتشدر . هر کس بر مد درسه ، بیوک معجزه لر یابان بر منجی به ، بر خلاصکاره انتظار ایدیورلر . بتون املاک بوکا معطوفدر والسلام .

محررین مصریه دن

عبدالغنی سعید

## غزوات

### انکلتزه وعالم اسلام

ویاننده چیقان « نوئس وینر تاغبلات » غزته سندن :

« فرانسزلرک روسلردن معاونت کوره جکلری حقدنه کی امیدلری روسلرک رجعتی ایله ییقلمشدر . ینه بو درجه اهمیتده بر وقعه ده انکلیزلرک عثمانلی دره دنوطلریخی ضبط ایتسیدرکه انکلتزه نك نه درجه قورقدیغنی کوسترر . بو دره دنوطلر توزکرک وعمومیتله اسلاملرک عادتاً محراب مقدسی اولمشدی . کیفیت مصادرده هندستانه وارنجه به قدر سوء تأثیر حاصل ایلدی . »